

Sää'm äimmõs-suåvtõõzz vuäzzlai ooccâm aa'lji

Pirrõsministeria räukk Sää'mtee'ggest, õllškooulin da tu'tkķeemstroittlin di äimmõspanee'lest vuäzzlaže'tkķõõzzid sää'm äimmõs-suåvtõ'sse. Mâ'ņļlubust altteet oocmid še äimmõspanee'l da luåtpaneel vuäzzli'žžen.

Sää'm äimmõs-suåvtõõzz pijjât vuõss vuâra odđ äimmõslää'jj di äimmõs-suåvtõõzz kuõskki asetõõzz nuâjain. Sää'm äimmõs-suåvtõõzz mie'rren lij pu'htted sä'mmlai teåttvuåd da kiõččâmkuu'lmid äimmõspolitiikk valmštõõllmõõžž vue'ssen.

Äimmõs-suåvtõõzzâst lie saaggjåå'dteei, väärrsaaggjåå'dteei di jäänmõsân låâi jee'res vuäzzla. Vuäzzlain uu'ccmõsân pie'll â'lğģe lee'd sää'm ä'rbbvuõđlaž teåd vuå'msteei. Jee'res vuäzzla ee'ttkå'stte pirrõstiõttjid le'be jee'res kõskksaž tiõđsuõ'rjid.

Pirrõsministeria lij vuõlttääm raukkmõõžž vuäzzlai e'tkķummšest Sää'mteggga, universitee'ttid, riikk tu'tkķeemstroittlid, äimmõs-suåvtõõzz tuâjai peå'lnn kõskksaž ämmatõllškooulid di Lää'ddjânnam äimmõspaneela. Sää'mtee'gģ vuåitt e'tkķeed vuäzzli'žžen ä'rbbvuõđlaž teåd vuå'mstee'jid, õllškooul da tu'tkķeemstroittel vuå'tte peå'lsteez e'tkķeed äimmõs-suåvtõ'sse tu'tkķeeivuäzzlaid.

Organisaatio â'lğģe tååimted jiijjâz e'tkķõõzzid äimmõs-suåvtõõzz vuäzzli'žžen norrum naa'lin pirrõsministeriaa'je **2.6.2023 mõõnee'st**. Piijjåmtu'mmstõõgg tuejjad riikkusuåvtõs pirrõsministeria e'tkķõõzz vuådald da täåvtõssân lij, što sää'm äimmõs-suåvtõõzz pijjât kie'zz 2023 äåi'j.

[Äimmõspanee'l da luåtpaneel vuäzzlažooccâm ävvan kiiđ da kie'zz äåi'j](#)

Sää'm äimmõs-suåvtõõzz låå'ssen pirrõsministeria lij õlmstå'ttmen kiiđ da kie'zz äåi'j oocmid Lää'ddjânnam äimmõspanee'l da Lää'ddjânnam luåtpaneel vuäzzli'žžen. Kuhttu paneel neellj ee'jj pi'stti pâå'jj poott ee'jj looppåst.

Raukkmõõžž vuäzzlažvõboršii'kķi nõõmtummšest äimmõspaneela vuõltteet õllškooulid da tu'tkķeemstroittlid vue'ssmannu äåi'j. Raukkmõõžž vuäzzlažvõboršii'kķi nõõmtummšest luåtpaneela vuõltteet tu'tkķeemstroittlid mâåimõsân pâ'rğģmannust.

Õllškooul da tu'tkķeemstroittel vuå'tte e'tkķeed mångg võboršee'kķ vuårstes. Oocci, kooi miõl sää'm äimmõs-suåvtõõzz, äimmõspanee'l da luåtpaneel vuäzzlažvuõtt keæss, vuå'tte raukkåd oocma õhttnee'i ä'sškiir'jid jiijjâz organisaatio rekisterå'sttemkonttrest.

Lää'ddjânnam äimmõspanee'l da Lää'ddjânnam luåtpaneel pijjât odđ pâjja ee'jj 2023 lo'ppe mõõnee'st.

Låå'ssteåd:

Karin Cederlöf (sää'm äimmõs-suåvtõs)

Halltõspiisar

pirrõsministeria

te'l. 0295 250 010

karin.cederlof@gov.fi

Heta-Elena Heiskanen (Äimmõspanee'l)

Spesiaalä'šštobddi

pirrõsministeria

te'l. 0295 250 380

heta-elena.heiskanen@gov.fi

Suvi Borgström (luättpaneel)

spesiaalä'šštobddi

pirrõsministeria

te'l. 0295 250 342

suvi.borgstrom@gov.fi